



監獄速寫

〈死刑犯〉

藏一片刀仔片
將生命線
割較長的

〈少年犯〉

猶未轉大人
胸坎的青龍
飛過萬里橋

〈老人犯〉

用記持
保溫
最後一口氣

〈詐欺犯〉

拐 siâu 拐鼻假鬼假怪
監獄舞台劇
第一男主角

〈強姦犯〉

無穿褲的孤魂野鬼
連有應公
嘛走甲裂褲跤

〈吸毒犯〉

靈車佢警車咧換大索
雷達故障的夜婆
倒咧喝咻

〈病犯〉

拎一把手尾錢
寄白棉棉的雲
刻佇勇健的墓牌

〈獄醫〉

用耳空
節脈
蒙古籍華陀

〈蜘蛛〉

佈一張八卦陣
擰刀擰銃刺龍刺虎
橫屍遍野

〈胡蠅〉

擊手 íng^[1]、屈馬步
挺挺倚踣雞尾錐頂懸
聽候千軍萬箸來拍播台

^[1] íng：腕

〈 蛇 蠍 〉

兩枝雷達伸出壁角裂縫
試探
鐵牆的厚度

〈 臭 腥 龜 仔 〉

修煉三季的功力
俗犯人的靈魂
比臭

〈 中 秋 〉

焦痛的柚仔帽，戴佇
細漢眠夢的頭殼頂
記持的喙瀾黏貼柚仔芳

〈 陷 眠 〉

將戴規工的尪仔面剝落來
俗家己
好好仔 sip 一杯

〈 鏡 〉

狗仔佇天頂飛
烏仔佇塗跤爬
犯人，是啥貨？

〈 夜 〉

烏暗捧一碗月光
天星佇獄風中喝酒拳
予焦啦！跤鐮

〈服從〉

吞落聖旨
佇隴喉珠仔楚一輓
吐出白賊

〈吞忍〉

阿母的皺紋欲按怎熨平？
當目睷仁
噴火的時陣

〈心跳〉

驚惶的節奏
舞弄 60 冬
猶原白蒼蒼

〈硬骨〉

砦一注重生
恰烏暗孤對削
看誰的氣較旺

作者感言

感謝評審的肯定！

《監獄速寫》是我佇監獄內寫的「鐵窗短歌」系列的其中 20 首。「三行詩」的形式是模仿方耀乾博士的「福爾摩沙短歌」系列，短短 3 行，欲表現出詩的準度恰密度，是我學習方博士恰自我訓練的目標。

「文學創作」是一條孤單的路，我足幸運，黃南海老師啟蒙、陳金順兄引 tshuā，以及濟濟先輩文友鼓勵恰支持，予我佇這條路行了真順。

「臺文」賜我蓮花化身，感謝所有關心我的友志。這個獎，我猶原欲獻予我年老的阿母。感謝上帝！

柯柏榮

柯家素食老闆

